

Na temelju Zaključka Vijeća ministara Bosne i Hercegovine sa 35. sjednice, održane 16.12.2015. godine, a sukladno članku 5. stavak (3) Odluke o osnivanju Savjetodavnog vijeća inicijative „Partnerstvo za otvorenu vlast“, („Službeni glasnik BiH“, br. 94/16), Ministarstvo pravde Bosne i Hercegovine r a s p i s u j e

JAVNI POZIV
organizacijama civilnog društva za predlaganje
4 (četiri) kandidata/kinje i njihovih zamjenika/ica
za članove/ice i zamjenike članova/ica Savjetodavnog vijeća
inicijative „Partnerstvo za otvorenu vlast“

Vijeće ministara Bosne i Hercegovine je na 77. sjednici, održanoj 13.10.2016. godine, donijelo Odluku o osnivanju Savjetodavnog vijeća inicijative „Partnerstvo za otvorenu vlast“ („Službeni glasnik BiH“, br. 94/16).

Osnovni zadatak Savjetodavnog vijeća inicijative “Partnerstvo za otvorenu vlast” (u daljnjem tekstu: Savjetodavno vijeće) je priprema prijedloga Okvirnog Akcijskog plana za implementiranje inicijative “Partnerstvo za otvorenu vlast”.

Cilj ovog poziva je da se iz reda organizacija civilnog društva, izaberu 4 člana/ice i njihovi zamjenici/ce u Savjetodavno vijeće, a koji će svojim učešćem doprinjeti izradi Okvirnog Akcijskog plana i provedbi inicijative “Partnerstvo za otvorenu vlast”.

„Partnerstvo za otvorenu vlast“ je multilateralna inicijativa čiji je cilj osigurati konkretan napredak na području transparentnosti i otvorenosti rada tijela javne uprave, uključivanja i osnaživanja građana i civilnog društva, borbe protiv korupcije te korištenja novih tehnologija za poboljšanje kvaliteta usluga koje javna uprava pruža građanima.

Pristupanjem inicijativi, Bosna i Hercegovina se obvezala izraditi dvogodišnji Okvirni Akcijski plan radi provedbe niza reformi koje su strukturirane oko izazova sa kojima se suočavaju tijela javne uprave u svim zemljama.

Kriterijumi za organizaciju civilnog društva koja može da predloži kandidata/kinju

Organizacija civilnog društva može predložiti jednog člana/icu i njihovog zamjenika/cu u Savjetodavno vijeće samo ukoliko ispunjava slijedeće kriterijume:

- da najmanje 3 godine prije objavljivanja ovog javnog poziva djeluje na nivou Bosne i Hercegovine, Federacije BiH, Republike Srpske ili Brčko Distrikta BiH;
- da se u okviru svog djelovanja aktivno bavi nekim od pitanja iz slijedećih oblasti:
 - 1) **Sudjelovanje javnosti – uključivanje zainteresirane javnosti u donošenje javnih politika (javne konzultacije);**
 - 2) **Povećanje integriteta javnih službi – suzbijanje korupcije u obavljanju javnih poslova i jačanje demokratskih institucija;**

- 3) **Sloboda pristupa informacijama – jamčenje javnog pristupa informacijama, s fokusom na zakonsko uvođenje proaktivne transparentnosti;**
 - 4) **Djelotvornije upravljanje javnim resursima – fiskalna transparentnost, transparentnost kod ekstraktivnih resursa, javne nabavke;**
 - 5) **Djelotvornije pružanje javnih usluga – unaprjeđenje širokog spektra usluga koje se pružaju građanima;**
 - 6) **Otvorenost podataka – digitalizacija i otvaranje podataka u cilju transparentnosti i pristupa informacijama.**
- da je u protekle 3 godine realizovala najmanje dva projekta ili realizovala druge aktivnosti iz ranije navedenih oblasti;
 - da je nadležnom organu podnijela finansijsko izvješće za prethodnu godinu.

Kriterijumi za člana/icu i zamjenika člana/ice Savjetodavnog vijeća iz reda predstavnika organizacija civilnog društva

Kandidati/kandidatkinje organizacija civilnog društva za člana/članicu i zamjenika člana/ice Savjetodavnog vijeća moraju ispunjavati slijedeće kriterijume:

- da su državljani BiH, sa prebivalištem u BiH;
- da su članovi ili osobe angažovane u organizaciji civilnog društva koja ih predlaže;
- imati najmanje 3 godine radnog iskustva u nekoj od ranije navedenih oblasti.

Način i procedura podnošenja prijave

U odnosu na navedene uvjete, organizacije civilnog društva dužne su dostaviti:

1) Za organizaciju civilnog društva

- kopiju rješenja o upisu u registar udruženja i fondacija koji se vodi na nivou Bosne i Hercegovine, Federacije BiH, Republike Srpske ili Brčko Distrikta BiH;
- kopiju akta o osnivanju odnosno Statuta (samo dio koji se odnosi na ciljeve i djelatnosti);
- pregled realizovanih projekata i aktivnosti iz djelokruga ranije navedenih oblasti u protekle 3 godine;
- kopija potvrde o podnesenom finansijskom izvješću za prethodnu godinu.

2) Za kandidata za člana/icu i zamjenika člana/ice Savjetodavnog vijeća

- fotokopija lične karte;
- dokaz da su kandidati članovi/ice ili da su osobe angažovane u organizaciji civilnog društva koja ih predlaže (potvrda, fotokopija članske knjižice ili drugi validan dokaz);
- životopis kandidata/kandidatkinje, sa podacima o njihovom radnom iskustvu i kontakt podacima (telefon ili e-mail) organizacije civilnog društva koja ih predlaže.

Javni poziv ostaje otvoren 15 dana od dana objave.

Prijave kandidata sa pratećom dokumentacijom podnose isključivo organizacije civilnog društva elektronskim putem na e-mail: vildan.hadzihasanovic@mpr.gov.ba, lično na protokol Ministarstva pravde BiH (Zgrada prijateljstva između Grčke i BiH, Trg BiH broj 1.) ili putem poštanske službe preporučenom pošiljkom na adresu:

Ministarstvo pravde Bosne i Hercegovine

Trg BiH broj 1.

71000 Sarajevo

sa napomenom: **„kandidati/kinje za Savjetodavno vijeće inicijative Partnerstvo za otvorenu vlast – NE OTVARATI“**

Povjerenstvo formirano od predstavnika Ministarstva pravde BiH i Ureda koordinatora za reformu javne uprave Vijeća ministara BiH će, u roku od najviše 30 dana od isteka roka utvrđenog ovim pozivom, izvršiti izbor kandidata za članove/ice i zamjenike/ice članova/ica Savjetodavnog vijeća iz reda organizacija civilnog društva koje su dostavile svoje prijedloge.

Izbor članova/ica i zamjenika članova/ica će se izvršiti sukladno kriterijumima koji su određeni ovim javnim pozivom. Pri izboru članova/ica i zamjenika članova/ica će se voditi računa i o teritorijalnoj zastupljenosti kandidata za članove/ice i zamjenike članova/ica Savjetodavnog vijeća.

Prijedlozi kandidata za članove/ice i zamjenike članova/ica u Savjetodavnom vijeću će biti razmatrani samo ukoliko su dostavljeni na propisan način i sadrže svu potrebnu dokumentaciju.

Konačna lista izabranih članova/ica i zamjenika članova/ica Savjetodavnog vijeća iz reda organizacija civilnog društva će biti objavljena na web stranici Ministarstva pravde BiH (www.mpr.gov.ba).

Svi lični podaci kandidata će isključivo biti korišteni za potrebe ovog javnog poziva i sa istima će se postupati sukladno Zakonu o zaštiti ličnih podataka („Službeni glasnik BiH“, br. 49/06, 76/11 i 89/11).

Za eventualna dodatna pitanja oko načina i postupka predlaganja kandidata za članove/ice Savjetodavnog vijeća, možete nas kontaktirati na telefon 033/721-604 ili na e-mail: vildan.hadzihasanovic@mpr.gov.ba.